

# Protocol della fiasta della Romania ils 8 de sett. 1928 a Laax

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **22 (1930)**

PDF erstellt am: **23.05.2024**

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

## Protocol della fiasta della Romania ils 8 de sett. 1928 a Laax.

Igl ei circa las 2<sup>1/2</sup> che la musica de Falera lai udir siu toc festiv, marschond alla testa dil stupent til festiv ed historic encunter il plaz cumin de Saissafratga.

Sgr. Dr. R. de Toggenburg beneventa l' entira tschentada en num dils de Laax, caracterisond la muntada dil cumin sco quella della hodierna fiasta.

Sgr. prof. Dr. Tuor dilucidescha la muntada che la posiziun dils Libers de Laax ha giu per la libertad e democrazia grischuna. Sgr. red. G. Demont plaida en num dils Libers dado.

Il cau della regenza sgr. Dr. J. Vieli admetta caulds salids rom. alla Romania e metta a cor de mantener e cultivar il romontsch sco in de nos pli custeivels beins. Alla fin exprima il pres. della Romania alla vischnaunca de Laax in cordial engraziament per la bein organisada e bein reussida fiasta.

Sgr. prof. Dr. Bovet ha embelliu la fiasta cun las duas stupentas composiziuns extra per la fiasta: «Il pèsch ed ils Libers de Laax», sgr. Steinauer de Friburg cun il magnific «Ranz de vaches» e P. Maurus cun la biala scena drammatica «Seregurdei».

Finida la radunonza populara a Saissafratga, serenda l' entira raspada encunter Laax, per leu continuar la fiasta el curtgin dil «Hotel dil Lag». Sut la versada bitgetta de sgr. Dr. Darms plaidan

ils sgrs.: prof. Dr. Tuor, Sur Fl. Camathias, prof. Dr. Cahannes, prof. Dr. Bovet, prof. Aug. Giger, rev. P. Maurus, Ser H. Bertogg, red. Demont e mistral Cajacob. Era differents amitgs absents han demussau lur simpatia viers la Romania entras telegrams, aschia cus. naz. Dr. Bossi, cus. gov. Huonder, Msgr. uestg de Cuera, Msgr. avat Beda, la Societad retoromontscha e l'Uniun dils Grischs. Suenters haver passentau ina emperneivla sera ella Posta ei la radunonza vegnida concludida officialmein allas 12.

La dumengia ein ils commembers activs e passivs seradunai suenter il requiem e riug de sgr. prof. Aug. Giger ella Posta tier las usitadas tractandas.

1. Il protocol vegn prelegius ed approbaus cun il giavisch de vegnir scursanius.
2. Sgr. Dr. Vieli e sgr. Dr. Cahannes rapportan cuortamein davart il cuntegn digl Ischi e Tschespet cun la declaronza ch'ei comparien en cuort. Demai che la buorsa della Romania vegn onn per onn pli satella vegn ei giavischau de smi-nuir il diember d'exemplars. Cheu encunter fa Dr. Cahannes valer, ch'ils exemplars sur 1500 tocs ora, vegnien considerablamein pli bienmarcau.
3. La redacziun dil cudisch de canzuns vegn, suenter haver discussionau vi e neu, danovamein surdada a sgr. scol. Nay.
4. Las statutas revididas duein vegnir dadas en stampa. Il comite survegn aunc l'incarica d'elaborar in reglament ultra dellas statutas.

5. Il cassier sgr. scol. Simonet dat il rendaquen della facultad della Romania. El sto constatar ina digren de frs. 1 680. En num dils revisurs de quen recamonda sgr. Dr. Willi d' approbar cun engraziament ils quens.

6. *Elecziun dil comite:*

Pres. G. B. Giger, cand. med. S. Gagl.

Vicepres. Bal. Gartmann, phil. Surcuolm.

Actuar. G. Berther, theol. Mustér.

7. *Commembers honoraris:*

Sgr. can. Al. Brugger, Mustér.

Sgr. red. Dr. Condrau, Mustér.

*Varia:*

a) Sco liug festiv vegn fixau Mustér.

b) Sgr. red. Demont supplichescha la radunonza de vuler studegiar la damonda, sch' ei fussi buc opportun de fundar in' Uniun romontscha per la Foppa en relaziun culla Renana.

## **Protocol della sessiun dil comite, ils 28 de fenadur 1929 a Mustér.**

Presents: il president cand. med. G. B. Giger; Vicepresident ed actuar ein stai impedi muort la fiasta dell' Uniun de students svizzers; milsanavon sgr. prof. Dr. Cahannes, sgr. prof. Dr. Tuor, sgr. red. Dr. Condrau, sgr. red. Demont e sgr. scol. Nay.

1. Ils radunai discussioneschian la moziun Demont.

Ei vegn concludiu d' abstrahar d' ina Uniun della Foppa e de numnar in' executiva, che lavuri pli